

M A N D A T

Des Durchläuchtigen Hochgebornen
Fürsten vnd Herrn / Herrn

Johann Casimirs /
Hertzogen zu Sachsen / Bülch /
Glebe / vnd Bergk / Landgraffen in Thüringen /
Marggraffen zu Meissen / Graffen zu der Mark / vnd
Ravenspurck / Herrn zu Raven-
stein etc.

Zu aller vnd jeden dero Vnterthanen Wohlfart / Nutz /
vnd gemeinem besten / bey gegenwertigen gefährlichen Leufften / vnd
Zeiten / aus tragenden hohem Fürstlichen Amte / vnd Landesver-
walterlichen Fürsorge / ergangen / vnd außgefere-
tiget.

1 6 3 1



Gedruckt zu Coburgk in der Fürstlichen Druckerey /
durch Johann Forckel /



Son Gottes Gnaden / Wir

Johann Casimir / Herzog zu Sachsen/Gülich / Gle-
ve / vnd Bergk / Landgraff in Thüringen / Marggraff zu Meis-
sen / Graff zu der Mark / vnd Ravenspurck / Herz
zu Ravensstein / etc.

Sögen allen vnd jeden
vnsern Prælaten, Graffen /
Herren / denen von der Rit-
terschafft / Ambtleuten /
Amptsverwesern / Schöf-
fern / Gastnern / Schultheis-
sen / Gläitsleuten / Bür-
germeistern / Richtern / Rä-
then der Städte / vnd son-

sten ingemein allen vnsern Erbschutzverwandten /
vnd Vnterthanen / neben Entbietung vnsers Gruß /
gnedigen / vnd geneigten willens / hiermit zu wissen /

Demnach zu diesen lekten höchstgefährlichen
Zeiten vnd Leufften / die schwere Landesstraffen / mit
Krieg / Vnrube / Pestilentz / wegnehmung des reinen
Worts / Predig Ampts / trewer eyveriger Lehrer / vnd
andern Trübsaln / vmb des Landes Sünde willen /
Nemlich / Sicherheit / Verachtung Göttliche Worts /

A ij

Ents

*Zutheilung des
Sabbaths.*

Entheiligung des Sabbath / Fluchen / Schweren /
Zaubern / Ungehorsam / Widerspenstigkeit / Zorn /
Feindschaft / Todtschlag / Haß / Neid / Mißgunst /
Gressen / Sauffen / Unzucht / Blutschand / Ehebruch /
Unreinigkeit / schendliche Hoffart / Ungerechtigkeit /
Geiz / Wucher / vnd dergleichen / von Gott zugeschickt /
der Meynung / daß man zuörderst den Ursprung er-
kennen / vnd betrachten / zur wahren Reu erwecket /
vnd der Gnaden theilig werden / dergestalt Milderung
erlangen / vnd der ewigen Straff entgehen sol /

Vnd Wir auß hohem Landesfürstlichen Ober-
keitlichen Ambt / vnser Vnterthanen bestes zusuchen /
den wahren Gottesdienst / Zucht / Erbar- vnd Gerech-
tigkeit zufördern / hingegen das böse zustraffen / vnd
zufürkommen / vns schuldig erkennen //

Als wollen wir alle vnd jede vnser Vnterthanen
hiermit treulich / auch ernstlich erinert haben / sich der
Gottesfurcht / welche zeitliche vnd ewige Verheißung
hat / Gebets / bußfertigen Lebens / Christlicher Liebe /
vnd Tugenden zubefleißigen. Dann jederman gute
Tage / Fried / Ruhe / fruchtbare Zeit / Gesundheit /
vnd Lebē / wünschet / niemand wil gerne ewig verlo-
ren seyn / Aber das böse hassen vnd lassen / von ganken
Herzen sich bessern / vnd die Laster / deren man gewoh-
net / mit Ernst abzuschaffen / ist wenigen angelegen /
bey welchem Wesen / Sicherheit / vnd Ungehorsam /
ohngeachtet aller Bereitschaft / kein beständige Wol-
fart

fart zuhoffen / oder Göttlicher Segen vnd Gedenken
zugewarten / Ja es were dieser Bahn / aus Grund hei-
liger Schrift / für eine Thorheit zuachten Sinte-
mahl / wo man nicht den bösen Lüsten von Herken
feind wird / darwider kämpffet / vnd streitet / vnd in
allen Christlichen Tugenden sich stetig übet / (In-
massen der warhafftig bekehrten / vnd bußfertigen
Christen Herk / Sinn / Will / vnd affecten , geendert /
vnd gereiniget werden / vnd gute Gedancken / Lust /
vnd Liebe zum Gehorsam gegen Gottes Gebot / in
der ersten / vnd andern Tafel / in angefangener Er-
newerung zum Göttlichen Ebenbild / gepflanket / die
fürter in allerley eusserliche gute Werck heraus bre-
chen /) da ist keine rechtschaffene Bekehrung / kein
wahres Christenthumb / keine Vergebung / kein rech-
ter Glaub / keine Huld / vnd Gnad Gottes / noch
Hoffnung der Seligkeit / was man auch mit Worten /
vnd eusserlichen heuchlerischen Schein / gemeinem
Bekentnuß der Sünde / vnd Mundglauben / Kir-
chengehen / vnd Sacrament gebrauchen / ohne Herk-
liche threnende vnd seuffzende Kew / ohne Haß / vnd
Ablassung des bösen / ohne Liebe des guten / vnd zu
Gottes Ehren / vnd schuldiger Danckbarkeit herfür-
leuchtenden Christlichen Tugenden / also ohne innerli-
che Verenderung / vnd Ernewerung des Gemüts /
vnd aller Kräfte / wie auch eusserliche Besserung im
Wandel gegen Gott / vnd Menschen / fälschlicher /

A iii

vnd

vnd erlogener Weiß / fürgeben / vnd rühmen mag.
Darumb wir vnserer Vnterthanen / zum Gehorsam
gegen Gott / vnd sein Wort / zur Buß / vnd Früch-
te der Buß / zusehenderst ermahnen / vnd was daran
hinderlich / vnd darwiderlaufft / als custos utriusq;
tabulae decalogi, abgestellt wissen wollen.

Insonderheit sol meiniglich die Predigten / Buß-
tag / vnd Betstund / bevorab an Sonn : vnd Festta-
gen / embsig besuchen / die Gedancken mit Fleiß auff's
Wort wenden / die zeitliche Sorge nicht zu groß / noch
die Liebe der Welt / zu mächtig seyn lassen / sondern das-
selbe betrachten / deme nachsinnen / vnd sein Leben
darnach richten. Zu dessen Behuff / die Wein : vnd
Bierschencken / vnter der Predigt / einig Getranck
nicht verkauffen / (Reisende / Krancke / vnd Kind-
betterin außgenommen /) vielweniger Zech halten /
vnd gestatten sollen / bey Straff / 2. GULDEN / so Wirth /
vnd Gast / vnnachlässlich zuzahlen / oder mit Gefäng-
nuß zubüssen / darunter vnserer Beampten / vnd Rā-
the in Städten / fleißige Auffacht zupflegen / vnd
zuverfügen /

Curia solius

Nicht weniger das Bürgerliche Schiessen / wann
Mittags zur Stadt Kirchen geleuret / so balden ein-
zustellen / vnd keinem zuschiessen / oder zuspielen / nach-
zusehen / bey Gefängnußstraff / oder Buß eines Gül-
den / von jeden vberfahrern / sampt dem Schützenmei-
ster /

ster / vnd eines Ortsgülden / der zusihet / vnd die Pre-
digt dadurch verseumt.

Alle Gotteslesterung / Fluchen / leichtfertiges
Schweren / böse Bündsch / wollen wir nochmahls
ernstlich verbotten haben / wie dann Haußherren /
Vatter / Mutter / Præceptorn, Vormunder / der-
gleichen bey Kindern / discipul, Pflegvertrauten / vnd
Gesind / keines weges dulden / sondern die ihrige
davon abziehen / vnd die junge Knaben / vnd Mägd-
lein / deßwegen mit Ruthen züchtigen / oder Ober-
keitlichen Einsehens gewarten / am wenigsten selbst
mit ihrem bösen Exempel / dazu Ergernuß geben sol-
len / Daneben jedem Wirth / vnd menniglich / auff-
erlegt seyn / die Flucher / Lesterer / Schwerer / es
sey in Wirths : oder andern Häusern / auffm Gas-
sen / Spiel : vnd Kugelspielen / oder andern Orten /
Anfangs gülich zuerinnern / vnd zuverwarnen /
vnd zumahl / do sie nicht ablassen / sondern muth-
willig fortfahren / den Beampten / (welchen selbst
auch für diesem Laster sich zuhüten / vnd andern mit
gutem Exempel fürzugehen obliegt /) anzuzeigen / vnd
zu rügen / damit solche Verbrecher zur Hafft ge-
bracht / dann auff Erkündigung der Vmbstände /
vnd Vorhaltung / der Gebühr / vnd nach Verdienst /
vnangesehen der vnerheblichen Behelff / einer Ge-
wonheit / deß Zorns / vnd Trunckenheit / verfahren
werden möge / Also Gottes Ehre retten / vnd mit
Still-

John. 1. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

Stillſchweigen / oder vernennen / ſich der Sünde /
vnd Straff / nicht theilhaftig machen ſol / dann diß
Laſter dermaſſen vber Hand genommen / daß ſich die
Erde auffthun / vnd ſolche heilloſe verfluchte / Gott-
loſe Leut / mit lebendigem Leib in Abgrund der Hel-
len verſchlingen möchte.

Zauberey.

Nach deme auch Zauberey / eine der Haupt-
ſünden / vnd Grewel iſt / ſolte billich vnter getauff-
ten Chriſten / ſolcher ſchrecklicher Abfall von der
Göttlichen Majestät / nicht gehöret werden / deſſen
Widerspiel aber nicht ohne Schmerken / vnd Be-
trübnuß zuerfahren. Wie wir nun bißhero vnſern
Eyver im Werck verſpüren laſſen / Alſo ſind wir
nochmahls / mit guten / vnd vernünfftigen gewiſ-
ſenhafften Grundt Rechtens / zu procediren ge-
meynt / Was aber dergeltalt / vermittelſt Oberkeit-
lichen Ambts / nicht ans offenbare Liecht zubrin-
gen / Iſt zwar die Oberkeit ſo ferne entſchuldiget /
Es werden aber doch die ſchuldige vnbußfertige Per-
ſonen / Gottes vnmeßlicher Weißheit / vnd Gerech-
tigkeit / nicht entfliehen / ſondern den ſchnellen Zeu-
gen / vnd Recher / zu ſeiner Zeit / vnfehlbar empfin-
den / Dahero / welche mit dem Laſter behaftet / zeit-
lich umbkehren / bey den Seelforgern / damit ſie
durch Göttliche Gnade / auß den Stricken deß Teuf-
fels erlediget / Raths pflegen / vnd ein jeder alle
Gelegenheit zu der ſchweren Sünde / mit Fürwitz /
Vnzucht /

Vnzucht / vnmeßigem Leben / Geiz / Bauchsorge /
Vngedult / Rachgier / höchstes Fleiß vermeyden / da-
gegen mit Gottes Wort / dessen täglichen Betrach-
tung / Gebet / Nüchternkeit / vnd Berufsarbeit / sich
rüsten / vnd darinnen finden lassen / darneben ver-
dächtiger böser Gesellschaft entschlagen sollē / Sowol
deß Segensprechens / Kranckheit an Menschen / vnd
Viehe damit zuheilen / vnd dergleichen verbotenen
Kunst / oder Stük / bey den Christallsehern / Stul-
bindern / vnd Wahrsagern / Rathsholen / so lieb je-
dem ist / Gottes Vngnade / vnd vnser Straff / zu-
entfliehen.

Vnd weil die Kleidung / allein zur Erbarkeit /
vnd Nohtdurfft angesehen / solten billich üppige / vnd
über Vermögen / herkommen / vnd Standsgebür /
zum Stolz vnd Hoffart / vnterfangene Trachten / da-
ran Gott vnd erbare Leute / ein Mißfallen tragen /
verbleiben / darumb wollen wir vnser Vnterthanen /
vff die vor Jahren publicirte Reformation Ordnung
gewiesen / vnd derselben gehorsamblich zugeleben be-
fohlen haben / Mit der Verwarnung / im Fall beharr-
licher Vngehorsam verspüret / nechst andern gesez-
ten Straffen / die Verbrechere / auch deß Schimpffs
mit öffentlicher Abnahm / vnd Verkaufung / also /
daß die daraus gelöste Gelder / den Armen gegeben /
gewertig seyn sollen / zu deme / fürsekliche wissentliche
Übertretung / vnd verächtliche Hindansetzung der
B
berkeit

Kleidung.

verkeithenlsamer/nützlichen Ordnungen/vnd Mandaten, die Gewissen gefährlichen verlezet.

*Festzeiten,
Kindtauffen.*

Ben Hochzeiten / Kindtauffen/vnd andern Gastungen / ist der Mißbrauch eingerissen / aber zumahl Christen übel anstendig / sich mit übermässigen Trincken beladen/mit grosser Gesundheit trincken / dessen sich auch gemeine Leute / zur bösen Nachfolge/vntersehen / andere/über vnd wider ihre Gelegenheit / vnd Complexion, nötigen / grobe schandbare Wort / leichtfertige Reden / Schreyen/vnd Ungeberde treiben / dadurch der Allmächtige erzürnet / seine Gaben verschwendet / die Jugend vnd andere / schwerlich erzergert / Demnach man sich dergleichen zuenthaltten / vnd bey zimlicher Fröligkeit / Gottesfurcht / Zucht / vnd Ehre / walten zulassen / alles bey willkührlicher Geld/oder Gefengnußstraffe/so oft darwider gröblichen gehandelt.

*Tänzen,
Tölpel-
spiele auf den
Gassen.*

Es sol auch ben vnnachlässiger Straff / niemand zu Nacht auff der Gassen mit Spielleuten gehen / Tänzken/Schreyen/vnd blöcken/daraus Hader/vnd ander Unheil zuentstehen pflegt / vnd den Leuten ihre Ruhe verstöret / Wer aber betreten / der sol von der Wacht besprochen / vnd do er nicht abliesse / zur Gefengnuß gebracht/vnd ernstlich gestrafft werden/vnd damit desto weniger Anlaß zuhaben /sol kein Wirth / im Sommer / zu Nacht / über zehen / im Winter / über acht Uhr / einigen Trancß geben / doch Krancke /
vnd

vnd Kindesbetterin hierunter nicht gemeynnt / vnd kein
vnzeitiges sitzen / schlemmen / prassen / in : oder aus-
serhalb den Wirtshäusern geduldet werden / bey
Straff zween Gilden / die Wirth vnd Gast (frembde
vnd wandernde Personen außgeschlossen) zuzahlen /
sonderlich sol am Feyertagen / Buß: vnd Bettagen /
jederman messig / eingezogen / vnd nüchtern leben / vnd
zur Übung der Gottseligkeit / geschickt seyn / dann Fa-
sten / vnd Beten / in gemeinen Landstrassen vnd Nö-
ten / in heiliger Schrift erfordert wird.

Auß ebenmessigen Ursachen / auch bey Kirmes-
sen / keine Schwelgeren / noch grosse Übermaß / damit
sich mancher etliche Wochen behelffen köndte / nachzu-
sehen.

Hierüber gibt die Erfahrung / daß sich viel Un-
raht / Gotteslesterung / Fluchen / Schendē / Schmehe /
Unzucht / vnd Vüberen / bey Abendtäncken / auff
Gassen / vnd in Häusern / zutregt / Derowegen sol-
che abzustellen / vnd auch bey zulässlicher Zeit / alles
vnerbare Wesen / drehen / vnd vnzüchtig schwen-
cken / sich zu eussern / bey Straff eines Gilden / so
oftt einer vnd der ander vberfehret / wiewohl bey
gefährlichen betrübten Leufften / vnd gemeinen Jam-
mer / sonst zugelassene Weltliche Freude / vnd
was zur Sicherheit Ursach geben mag / nicht vnbil-
lich einzuziehen.

Unter andern Lasten / dadurch Gottes Zorn
B ij über

Abend - Tanz

Gütere

Ehebruch.

über Land und Leute erregt wird / sind Hureren / und Ehebruch / nicht die geringste / dafür sich menniglich hüten / davon abstecken / und alle Gelegenheit zur Verführung / meiden / oder ernstern Straff gewertig seyn / auch Eltern / und wer an deren Stadt / ihre Kinder / und anbefohlene / Eheleut / das Gesinde / für allem verdächtigen / vnzüchtigen Wesen / verwarnen / Hingegen zur Schamhaftigkeit / in Worten / und Geberden / und zu keuschem sittenamen Wandel / (dann kein schänd : vund schädlicher Ding / als freche / vngezogene Jugend /) vnterrichten / ihnen die schwere Straffen wol schärffen / und einbilden / und allen Anlaß zu sündigen / fürkommen / So wol die Beampte / wo sich erheblicher Verdacht ereuget / inquiren, Bericht fürwenden / und die Straffen ohne Seumsahl / vund Conniventz, strecklich exequiren sollen.

Wucher.

Wie auch zu stercken des Geizes / Wucher / Vngerechtigkeit / und Beforthellung / über vnsern außgegangenen Mandaten / Landes: und Tax Ordnung / ernstlich und vnnachlässlich zuhalten / damit die Leute von Kramern / Handwerckern / Schencken / Wuchern / nicht vberseht / noch mit böser schädlicher Wahr / Speiß oder Trancck / vmb Geld und Gesundheit gebracht / sondern menniglich die Handlungen / und Contract, nach Christlicher Liebe / und dem gemeinen Nutzen zum besten / richte / und also gegen seinem Nech-

Nechsten gebahre / wie er wolte / daß sein Nechster /
gegen ihm / mit seinem Gut gebahren solte / in dem
sich keiner auff des andern böses Exempel zu ziehen /
sondern ein jeder sein eygen Gewissen zu prüffen /
vnd Ordnung vnd Geseß gehorsamlich zu geleben
schuldig / daß er / sampt den seinigen / sich dabey Göt-
lichen Segens vnd Gedenkens zu getrösten / Inmas-
sen alle viertel Jahr / vnd so oft vonnöthen / wie /
vnd welcher Gestalt gebahret / ob die Billigkeit in
acht genommen / oder vnzimliche Bevorthailung /
Wucher / vnd anders / mit steigerung der Wahr /
Victualien , vffm Marck vnd sonst / Arbeit / vnd
Losamenter / fürgehe / ob recht Gewicht / Eln / Maß /
gebraucht / tüchtige Wahr / Item , gut Trancß / vn-
gefälschter / vngeschmierter Wein / in zimlichen / vber
bescheinten Einkauf / Zoll / Fuhrlohn / vnnnd
Trancßsteuer / zugelassenen Gewinn / gegeben / ob die
Becker : Metzger : vnd Mühl Ordnung / vberschrittē /
ob Gerber / Schuster / Schneider / Riemer / Sattler /
Schlosser / Schmied / ihre Wahr / in gleichen billi-
chen Kauff geben / vnd die Arbeit / wie recht vnd ge-
ordnet / fertigen / vnd anders fürgehe / nachzufor-
schen / was vnrecht befunden / zubestraffen / die schul-
dige zur ender : vnnnd besserung zuvermahnen / Do
aber solches nicht verfangen thete / wollen wir ern-
stere Mittel / mit Sperzung des Ladens / Niederle-
gung des Handwercks / oder nach gestalten Umbstän-

B iij

den /

den / gäncklicher Außschaffung / zugebrauchen wiſſen / dann durch Vngehorsam / Fahrleſſigkeit / vnd vbele Auffſicht / alle gute Ordnungen fallen / vnd in Abgang zukommen pflegen.

Verleumdung.

Weil auch Ehr vnd Glimpff / guter Nahm / vnd Gerücht / deß Menschen gröſter Schatz iſt / welchen Gott ſo wenig / als Geld / vnd Gut genommen / oder verfürzt haben wil / ſol ein jeder ſeine Zunge regieren / was Grund hat / ordentlich fürbringen / Klagen / oder Zeugen / da aber weder Grund / oder Beweis / noch offenbare That vorhanden / deß Verleumdens / vnd Affterredens / aus ſchnöden Argwohn / Hörsagen / Leichtfertigkeit / vnd zu plaken / daraus groſß Ergernuß / Vneinigheit / vnd Zerrüttung in allen Ständen erfolgt / ſich enthalten / oder ernſte Straff Rechtens dulden / vnd außſtehen.


Hierüber ſollen in Embtern / vnd bey Rätthen der Stätte / die Leut in ihren Anligen / Klag / vnd Fürbringen / gutwillig gehört / der Handel wol eingenommen / wo vonnöthen / Erkundigung eingezo-gen / vnd die Parteyen / ohne Weitleufftigkeit / verglichen / oder was recht vnd billich / ohne gefährlichen Aufſchub / vnd Verlengerung / Verabſchiedet werden. Befünde ſich daß jemand beſchwert / der ſol nicht allein die Urſach in ſeiner Supplication einverleiben / ſondern auch zugleich deß Ampts / oder Raths gegründten Bericht / was fürgegangen / vnd gehandelt / was

was für gütliche Mittel fürgeschlagen / woran es be-
standen / was sie zum gegebenen Bescheid / oder ge-
thane Weisung / bewogen / vbergeben / den die Be-
ambte / vnd Rätthe / auff Ansuchen / vermög vnser für
Zahren ergangenen Befelchs / Vnweiger : vnd vn-
auffheltlich / mitzutheilen / auff daß nicht erst vmb
Bericht zuschreiben / vnd Zeit vnd Kosten auffzuwen-
den / noth sey.

Woferne aber die Sachen zu recht gediehen /
darinnen sol gleichfalls nach aller Müglichteit / schleu-
nig procedirt , vnd die Irrungen zur Endschaft / oh-
ne fürsekliche Verzögerung / befördert werden.

Nicht weniger menniglich für Haß / Meyd / Feind-
schaft / Rachgier / Zorn / vnd Grimm / welch Vnwesen
nicht ohne Gewissensverlekklichen Anstoß / vnd vielen
Vnheyl / sehr eingerissen / gewarnet seyn.

An diesem allen geschicht vnser gäncklicher vnd
zuverlessiger Will vnd Meynung / Zu Vhrkund mit
Vnserm Fürstl. Secret bekräftiget / vnd geben
zu Coburgk / am 7. Octobris , Anno



*Entheiligung des
Tobberhs.*

Entheiligung
Zaubern / V
Feindschafft
Gressen / Sa
Unreinigkeit
Geiz / Wuch
der Meynung
kennen / vnd
vnd der Gna
erlangen / vn
Vnd W
keitlichen Am
den wahren G
tigkeit zuförd
zufürkommen
Als wol
hiermit trewol
Gottesfurcht
hat / Gebets
vnd Tugend
Tage / Fried /
vnd Lebē / wür
ren seyn / Aber
Herzen sich be
net / mit Ernst
bey welchem V
ohngeachtet al



schweren /
eit / Zorn /
Rißgunst /
Ehebruch /
chtigkeit /
geschiedt /
sprung er=
erwecket /
Nüchterung
sol /
en Ober=
ausuchen /
d Gerech=
ffen / vnd
erthanen
/ sich der
cheiffung
der Liebe /
nan gute
undheit /
g verloh=
n ganzen
gewoh=
gelegen /
horsam /
ige Wol=
fart